

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09), Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 24/03 i 65/13) i člana 17. Statuta Općine Centar Sarajevo ("Službene novine Kantona Sarajevo", broj 23/04), na 17.redovnoj sjednici, održanoj dana 28.04.2026. godine, Općinsko vijeće Centar Sarajevo, donosi

ODLUKU

O PROCEDURI, USLOVIMA I STANDARDIMA IMENOVANJA ČLANOVA SKUPŠTINE JAVNOG PREDUZEĆA "CENTAR" D.O.O SARAJEVO

Član 1. (Predmet Odluke)

Ovom Odlukom u skladu sa Zakonom o ministarskim, vladinim i drugim imenovanjima Federacije Bosne i Hercegovine utvrđuje se procedura, uslovi i standardi za imenovanje članova Skupštine Javnog preduzeća "Centar" d.o.o Sarajevo (u daljem tekstu: Skupština preduzeća).

Član 2. (Uslovi za imenovanje predsjednika i članova Skupštine)

(1) Opći uslovi za izbor i imenovanje predsjednika i članova Skupštine preduzeća su:

- a) da su stariji od 18 godina, a mlađi od 65 godina na dan imenovanja;
- b) da su državljani BiH i da imaju prebivalište u BiH;
- c) da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije objavljivanja upražnjene pozicije;
- d) da se na njih ne odnosi član IX 1. Ustava Bosne i Hercegovine;
- e) da nisu osuđivani za krivično djelo i za prekršaj nespojiv sa dužnošću u Skupštini, pet godina od dana pravosnažnosti presude, isključujući vrijeme zatvorske kazne;
- f) da nisu lica kojima je presudom suda zabranjeno obavljanje aktivnosti u nadležnosti Skupštine;
- g) da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u organima vlasti u Federaciji Bosne i Hercegovine;
- h) da nisu članovi Uprave ili Nadzornog odbora ili Odbora za reviziju Preduzeća ili zaposlenici Preduzeća.

(2) Posebni uslovi za izbor i imenovanje predsjednika i članova Skupštine preduzeća su:

- a) da posjeduje univerzitetsku diplomu VII stepena stručne spreme odnosno visoko obrazovanje prvog ciklusa Bolonjskog sistema studiranja sa najmanje 240 ECTS bodova ili drugog ili trećeg ciklusa Bolonjskog sistema studiranja iz ekonomskih, tehničkih, pravnih, društvenih ili prirodnih nauka,

b) najmanje tri godine iskustva u struci nakon sticanja univerzitetske diplome, odnosno visokog obrazovanja.

Član 3. (Javni konkurs za izbor i imenovanje Skupštine preduzeća)

(1) Izbor i imenovanje predsjednika i članova Skupštine preduzeća vrši se na osnovu javnog konkursa.

(2) Općinski načelnik dužan je javni konkurs objaviti najkasnije u roku od 60 dana prije dana isteka mandata aktuelnoj Skupštini.

(3) Javni konkurs iz stava (1) ovog člana se objavljuje u najmanje jednom dnevnom listu na području Federacije Bosne i Hercegovine, u "Službenim novinama Federacije BiH", te na web stranici Općine Centar Sarajevo.

(4) Javni konkurs za izbor i imenovanje predsjednika i članova Skupštine preduzeća sadrži:

a) opis upražnjene pozicije,

b) opće i posebne uslove utvrđene Zakonom i Statutom,

c) spisak potrebne dokumentacije kojom se dokazuje ispunjenost općih i posebnih uslova za imenovanje,

c) iznos naknade za obavljanje dužnosti,

d) dužinu trajanja mandata,

e) rok za podnošenje prijave na konkurs,

f) adresu na koju se prijava dostavlja i naznaku da se nekompletne i neblagovremene prijave neće uzeti u razmatranje.

(5) Javni konkurs ostaje otvoren 14 (četnaest) dana od posljednje objave.

(6) U postupku provođenja javnog konkursa izbor i imenovanje predsjednika i članova Skupštine, općinski načelnik donosi Odluku o raspisivanju javnog konkursa, daje saglasnost na tekst konkursa i donosi odluku o imenovanju konkursne komisije, kojom se reguliše sastav, nadležnost i način njenog rada.

Član 4. (Komisija za provođenje procedure)

(1) Općinski načelnik imenuje Komisiju za provođenje procedure izbora i imenovanja Skupštine preduzeća, koju čini 5 (pet) članova iz reda državnih službenika i namještenika.

(2) Komisija iz stava (1) ovog člana je obavezna da pregleda sve zaprimljene prijave u roku od 15 (petnaest) dana od dana zatvaranja javnog konkursa.

(3) Komisija je obavezna svim aplikantima, koji ne ispunjavaju opće i posebne uvjete, te uz čije svojeručno potpisane prijave nije dostavljena tražena dokumentacija, dostaviti obavijest da se njihova prijava neće razmatrati.

(4) Komisija je obavezna sačiniti listu aplikanata čije prijave su potpune i ispunjavaju opće i posebne uvjete, te zakazati usmeni intervju, najkasnije 3 (tri) dana prije održavanja intervjua.

(5) Prije početka usmenog intervjua na kojem Komisija postavlja pitanja iz djelokruga i nadležnosti rada Skupštine Preduzeća, ali i drugih organa preduzeća svaki kandidat je obavezan da popuni obrazac u pogledu sukoba interesa shodno relevantnim zakonskim i podzakonskim aktima.

(6) Intervju se mora obaviti u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine.

(7) Komisija na konstituirajućoj sjednici usvaja Poslovnik o radu, kojim će utvrditi kriterije za bodovanje tokom trajanja intervjua.

(8) Komisija odluke donosi većinom glasova svih imenovanih članova.

(9) Nakon okončanog intervjua Komisija je obavezna u roku od 3 (tri) dana dostaviti Općinskom načelniku rang listu sa preporukom za izbor na dalje razmatranje, te detaljan izvještaj o provedenom postupku.

(10) Općinski načelnik po zaprimljenoj rang listi i preporuci obavezan je Općinskom vijeću Centar Sarajevo dostaviti na razmatranje prijedlog Odluke o imenovanju Skupštine preduzeća.

(11) Mandat Skupštine preduzeća traje 4 (četiri) godine bez ograničenja u pogledu ponovnih imenovanja po isteku mandata.

Član 5.

(Razrješenje predsjednika i članova Skupštine preduzeća)

(1) Općinsko vijeće je ovlašteno da na obrazložen prijedlog Općinskog načelnika, razriješi predsjednika i/ili člana ili članove Skupštine Preduzeća i prije isteka mandata na koji je Skupština imenovana i to u slučaju postojanja jedne ili više sljedećih okolnosti:

- a) na lični zahtjev/podnošenjem ostavke,
- b) ako ne izvršava svoje obaveze utvrđene zakonom, Odlukom o osnivanju, Statutom, Poslovnikom ili drugim općim ili internim aktom Preduzeća ili postupa protivno njima,
- c) u slučaju da Općinsko vijeće ne usvoji godišnji izvještaj o radu i poslovanju Preduzeća,
- d) ako se utvrdi da je nesavjesnim ili nepravilnim radom prouzrokovana veća šteta Preduzeću,
- e) zanemaruje ili nemarno obavlja poslove iz svoje nadležnosti,
- f) ako bude pravosnažno osuđen za izvršenje krivičnog djela koje je nespojivo sa obavljanjem funkcije u Skupštini Preduzeća,
- g) u drugim slučajevima utvrđenim pozitivnim propisima.

(2) Odluka o razrješenju predsjednika i članova Skupštine Preduzeća se donosi nadpolovičnom većinom.

Član 6.

(Imenovanje vršioci dužnosti predsjednika ili članova Skupštine preduzeća)

U slučaju razrješenja predsjednika i/ili člana ili članova Skupštine preduzeća shodno odredbama člana 5. ove Odluke, Općinsko vijeće Centar Sarajevo na prijedlog općinskog načelnika može bez provođenja javnog konkursa da imenuje vršioci dužnosti predsjednika i članova Skupštine do okončanja konkursne procedure i u drugim opravdanim slučajevima, na period od tri mjeseca, uz mogućnost produženja za dodatnih tri mjeseca.

(2) Vršilac dužnosti predsjednika i člana Skupštine, ima sva prava i obaveze koje ima predsjednik i članovi Skupštine.


(3) Vršioi dužnosti predsjednika i člana Skupštine moraju ispunjavati opće i posebne uslove za imenovanje predsjednika, odnosno člana Skupštine.

Član 7.
(Stupanje na snagu Odluke)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj:01-45-327/26

Datum:28.04.2026.godine



Predsjedavajući Općinskog vijeća Centar

Benjamin Isović

Ova Odluka objavljena je na oglasnoj ploči Općine Centar Sarajevo dana